

第二集

曲曲曲

沈陸雲
編



上海曼麗書局出版

娛樂大觀

沈陸雲主編

本灘類

求下山

(欺父出家)

施春軒
施文韻 合唱

1 唱合韻文施軒春施 號灘本

(旦唱) 坐罷一番碌起身。張家娘娘嘆終身。昨日娘舅前來到。告我娘娘出門塵。勿爲三椿並兩事。只爲老賊老死人。入山修行做出家人。臨時走末拿侬子妹放水燈。搭救到仔娘舅門。告爹爹出家才知音。等侬當家歸家轉。看侬當家怎樣能。慢說我就就攔攔家庭裏。(生白) 噯。金娘開開門。(旦白) 喔。來哉。(生白) 轉來哉哇。(旦白) 娘舅那能話。(生白) 噯。娘舅那能話。(唱) 噯。金拉個娘哇。(旦唱) 噯。金拉個爹哇。(生白) 咳。儂道哈個哇。(旦白) 唱灘簧呀。對儂接接氣呀。(生唱) 啊呀。大娘娘呀。儂勿來提起娘舅倒也能。提起娘舅一個人。兒來像只老虎能。千勿恨來萬勿恨。恨得儂個娘娘少淘成。常言道。窮窮苦苦家家有。我個丈人窮苦少少能。常言道。做官獨怕來革職。爲人只怕老來窮。爺因窮苦要照應。趁仔我個張景春。要接我丈人到門庭。爺因兩個日脚。攆拉儂跳勒當中是勿肯。話那子妹爹爹兩個人。儂日日夜夜淘氣尋。想得我蘇州跑一趟。闖出潑天大禍根。儂

是龍是蛇肚皮裏出。儂能良心少少能。極應該。爺因淘氣借借勿要緊。借銅鈿兩字勿答應。借點白米又勿肯。拿出黃糠三五升。吃一頓拏出一隻貓食碗。臨時走末三拳兩脚打出門。勿該應牙鬚拉脫幾百根。六角涼亭死路尋。虧得碰着仔我救伊命。贈伊洋鈿是勿要。回家轉發個阿姨放水燈。也只爲仔儂潑辣人。現在山林要做出家人。大娘儂氣伊出家勿該應。今朝仔伢娘舅領那子妹一個人。勒拉六角亭上坐等身。告儂求得那爹爹下山林。個末萬事全休百太平。倘然爹爹勿肯下山林。一則來儂性命活勿成。二則來害我當家遭難星。大娘儂豪豪燥燥往外行。(旦白)噯。金爺儂去未哉。我勿去。要伊上山煩難來些。求伊丁來做哈。省得常常來借銅鈿吵勿清爽。(生白)儂勿去是哇。娘舅勸氣起來我勿關。看儂那能。(唱)立停身來娘娘稱。今朝若然勿去求那爹爹下山林。一則來那娘舅前來到。臂膀子拳頭打上身。讓我房間裏向拿點金鏐拏點銀。蘇州典當去登身。免得年三夜四遭難星。再來末要對儂兩處分。(旦白)噯。個未去。轎子搭我叫一頂。(生白)儂還要轎子呢還是走。娘舅來起來跑拉快點。(旦白)愛金儂門望仔拉。(小囡白)姆媽領仔外公大大一淘來。(旦白)要伊來做哈。(小囡白)姆媽爹爹早點居來。(生唱)走哇。我當家領導前頭走。(旦唱)來哇。後頭有我娘娘跟。(生唱)回轉身來娘娘稱。只怪儂莽闖少淘成。勿該應氣得爹爹家來出。還要害我張景春。倘然那爹爹不肯山來下。將何料理勿收根。倘然是求得山來下。我搭儂連氣十分到有十二分。(旦唱)回轉頭來當家稱。那能獨埋怨伢一個人。伢個老賊老死人。借鏐勿惜由得我。還曉勿還伊趁心。伊做和尚我勿曉得。我伢想想反開心。(生唱)話儂壞來真正

壞。天下四處少少能。氣父出家入山林。倒說吟爺做和尚因稱心。看得儂見仔娘舅面。儂言三語四話伊聽。只怕儂個耳光打來好幾分。行走路浪能樣快。面前就是六角亭。(生白)娘舅儂倒來拉哉。(末白)景春相那個大娘來哇。(生白)來拉個。娘舅儂立一立。愛金娘去叫那娘舅。(旦白)愛金爺。告娘舅來叫我。(生白)呢噲還要娘舅來叫。豪操去叫罷。(旦白)噯。愛金爺勿去哉。佢轉去哉。(生白)吟事體拉。(旦白)娘舅面孔怕來。城隍老猛將老。面孔就此兩樣。(生白)個佬告儂叫伊呀。(旦白)噯。個末娘舅。(末白)唔。(旦白)愛金爺。娘舅勿吃肉。吃個魚。(生白)儂還要多話哩。(旦白)噯。個末走走哉。(生白)走末哉。(末唱)我搭仔小外甥前頭走。(生唱)待景春領仔娘娘後頭跟。(末唱)回轉頭來叫景春。今朝仔搭那一淘到山頭頂。告隻賤娼總要求佢姊丈下山林。一太平來百太平。若然不肯山來下。儂個家當保勿穩。試試我個拳頭重呢輕。(生白)愛金娘。儂聽見哇。(旦唱)聽見個。(生唱)回轉身來娘舅叫。告儂休動氣。莫生噴。稍稍停行來走到山頭浪。等佢個不賢走去求大人。我搭儂邊頭幫襯兩三分。(末唱)景春呀。儂個閒話無錯處。女婿丈人一家人。總要求得山來下。我可以幫襯兩三分。若然勿肯山來下。我末仍然勿答應。(生白)出得亭來。(唱)混沌初開天地分。莫道四海五湖下。三山六水田一分。我提起錦繡一段情。祥光朗照紫微星。四時八節花如錦。八節康強保太平。推開四城忙碌碌。周朝夫子孔聖人。壽亭侯辭曹歸漢心如鉄。勿貪上馬一蹄金。勿貪下馬一蹄銀。春秋日子關聖人。今朝吾輩張景春。四人路上一同行。氣父出家勿該應。求得下山頂要緊。(末唱)景春呀。行走路上抬頭望。

（丑唱）娘舅呀。上山一步高一步。（老生唱）景春呀。上山步步要當心。不多幾步抬頭望。抬起頭來看觀正。面前就是外山門。（生白）娘舅到拉哉。（末白）那三家頭立一立。讓我捶門。碰碰碰。裏向阿有人。（丑白）我做香火辛苦。治要燒香治要點火。我道風吹竹。原來人敲門。讓我開仔門看。喔。景春相斃保正。大娘娘斃女千金。（末白）那兩個老小和尚呢。（丑白）老和尚念經拜懺。小和尚打打齋飯。只有一個新來個老小和尚拉。（末白）喔。喔。喔。（丑白）噯。噯。噯。攢拉因氣父出家。（末白）阿好請伊出來。（丑白）勿肯出來個哉。要末人家求籤詳籤斃出來個哉。（末白）景春相告儂娘求進去。（旦白）愛金拉爺告娘舅求末哉。（末白）喔。話我氣伊出家斃告我求。（生白）娘舅勿。儂勿要打。娘舅做啥打勒拉我面孔浪。（末白）哈人告儂拉頭儂勒個拉。（旦白）愛今爺打著哇。（生白）打著個。（旦白）打着還好。（生白）那能打著還好。（旦白）打勿著。娘舅勿肯罷拉哩。（生白）豪燥求。（旦唱）一腳踏進外山門。但看見一個彌陀菩薩笑吟吟。莫不是笑我娘娘山來上。莫不是笑佻當家張景春。莫不是笑佻娘舅兒來像個老虎能。莫不是笑佻妹子賤娼根。喔。想著哉。笑個老賊要做出家人。看罷彌陀身朝裏。但只見章獸菩薩第二尊。看伊頭浪帶個將軍帽。身穿鎧甲鯢魚鱗。手裏向捏一根降魔杵。其名就叫蛇皮棍。爲啥斃口吃南朝飯。心末常向北番人。喔。想著哉。長伯佻爹爹跑外山門。故所以末日日夜夜看得緊。上頭護法章獸一隻廬。一付對聯分左右。上聯是念佛念心心念佛。下聯是修真修道修真。水磨方磚棋盤格。露水方磚一滑平。啷哈二將東西立。四大金剛兩邊分。

(生唱) 脚踏進外山門。但只見彌陀菩薩笑吟吟。笑來並無別一個。笑只笑佢個娘娘忤逆精。笑那氣父出家少少能。看罷彌陀身朝裏。但看見章馱第二尊。頭浪帶個將軍盔。身穿鎧甲鯉魚鱗。手捏仔一根降魔杵。打盡天下忤逆精。(末唱) 一脚路進外山門。眼看彌陀菩薩笑吟吟。笑得儂忤逆爺娘勿作興。好像扁毛畜生相沓能。看罷彌陀身朝裏。但看見章馱護法神。看一看手裏捏着仔蛇皮棍。專打氣父出家賤娼根。(小旦唱) 將身走進外山門。阿彌陀佛念幾聲。抬起頭來看觀正。看見仔彌陀菩薩笑吟吟。莫非是笑佢阿姐賤娼根。好像黃鼠狼轉胎忤逆精。看罷一番身朝裏。但看見章馱第二尊。頭浪戴仔將軍帽。身穿鎧甲鯉魚鱗。手裏向捏着降魔杵。其名就叫蛇皮棍。佛門弟子朝北立。專看人開善惡人。看得佢阿姐噙收根。(旦唱) 待娘娘抬起頭來看觀正。三隻腳個香爐中間擺。長生盤銜兜身進。舉目抬頭看觀正。正。正字長窮十六扇。看一看大雄寶殿到來臨。但見佛殿裏向靈神坐。坐拉末西方如來一接引。上頭三世如來一塊匾。一付對聯左右分。上聯是白蓮台上千尊佛。下聯是八德池邊萬世尊。看罷一番將身站。就在此地立停身(此句再由四人合唱一遍全白) 香火。請個老小和尚出來詳籤。(丑白) 老小和尚。外頭有兩個施主叫儂詳詳籤。(生老白) 囉罕。唉裏一位施主。客客要詳籤。待我看來。我道是誰阿呀。(小旦唱) 阿呀爹爹呀。自從那日歸家轉。騙我小女出門庭。道話要去當布裙。買仔魚肉共董腥。祭祭佢個親娘女大人。跟仔儂爹爹門來出。行來一到橋亭內。騙我親娘水中心。促立停身來朝下望。拏得我朝仔河裏勒輪騰。奈我註拉勿死賤。沿河浮到娘舅門。虧得娘舅舅媽人兩個。救得小郎一條命。如今就攔娘舅門。昨日娘

舅講談論。話儂爹爹做仔出家人。今朝仔阿姐姐夫四個人。特地來求爹爹下山林。苦苦惱惱日脚。爺因淘裏一淘登。(老生唱)噯呀。小郎呀。想做爺唉裏捨得儂。只爲事到其間無那能。並非我毒手下來重幾分。只爲得儂個阿姐賤娼根。良心生來潯辣人。噯。我想儂一娘肚皮裏出。恐怕儂搭那阿姐相彷彿。故所以拏儂放水燈。免得我出家常掛心。本則來老老要尋死路。一則來害那姐夫勿該應。二則來看那阿姐後來收場結果冷收成。小郎呀。現在娘舅救得儂。登勒伊拉裏家庭。娘舅舅媽白家人。總要高聲叫低聲應。決勿要強仔頭瞎勒仔頸。儂大難不死必有祿。後來必定有翻身。小郎呀。儂搭仔娘舅歸家轉。勿要對老老纏勿清。回轉身來娘舅稱。今朝仔勞儂步蹉費儂心。想得我老老一個人。上山容易下山難。若然出家原復在家人。勝比登天好幾分。小郎登在仔儂家庭裏。終要看破兩三分。老老今朝來託儂。今年小郎十三春。倘有對頭撥出門。撥一個白白壯壯奇男子。勿吃煙酒一年青。老舅呀。狄搭事體重重託。想得我就死陰間閉眼睛。(末白)老姊夫那儂下山呀。(老生白)勿下山。(唱)阿呀長春相呀。我老老勒裏害之儂。只怪忒個位賤娼根。害那張家絕子孫。呀。爲仔伊潯辣人。我勸儂另請別處好媒人。另娶賢德娘娘們。一則來傳續接代頂要緊。想那老老一個人。老來無子要做出家人。免得後來搭我老老相彷彿。(生白)丈人阿伯。下山居去。(老生白)勿去。去。(末白)告儂娘來求。(生白)愛金娘來求。(旦白)勿高興。(末白)噯。儂勿高興。(生白)娘舅儂打拉我身浪哉。(旦白)噯。先來求個娘舅勿要打我。(末白)跪下來。(旦白)跪下來哉。(末白)告儂求一尊韋馱菩薩。對外跪個。旋轉來。(旦白)噯。

。旋轉來。(末白)跪跪正。勸呀勿要動。求來苦點。話來響點。眼睛白點。勿要透氣。(生白)娘舅打棚哉。勿透氣變仔死勒浪哉。(末白)是拉個。老姊夫那對儂跪拉哉。那罷哉哇。下山哇求唉。(旦白)喔。阿呀和尚爹爹呀。(末白)景春儂走開點。伊欺父上山還要叫伊和尚爹爹。(旦白)個末叫啥。(末白)叫爹爹。(旦白)喔。親爹爹呀。(生白)娘舅那罷。(末白)是要狄能個。(旦唱)爹爹呀。儂爲啥要來出家拉。爹爹做仔出家人。大郎心中板稱心。(末白)呢噲那爹爹出仔家。儂倒板稱心。(生白)娘舅打棚哉。亦打勒我身浪。再求。(旦唱)爹爹呀。小女今朝到廟門。求儂爹爹一個人。想得儂借過當頭葛過我個會。從勿走來還上門。常言道。借借還還家家有。只借勿還啥人肯。我勿要利鈿只要儂個本。我洽勿曾討上門。儂賴脫哉。逃做出家人。算一算爺困勒要勿作興。(末白)喔噲儂氣出伊來出家人呀。還要話伊勒要出家。(旦白)娘舅儂勿要打。(末白)再求。(旦唱)阿呀倪個親爹爹呀。今朝大郎來裏求得儂。總要求儂下山林。告爹爹休勸氣莫火升。想得我從前嘴裏錯幾分。告儂爹爹勿要作真。爹爹呀。儂出家勿比在家好。出家人做人苦萬分。日誦彌陀夜誦經。日裏賺得葷腥吃。夜裏磨不一夜翻到大天明。早課夜課不留停。爹爹呀。儂綢緞衣裳勿好着。儂長領道袍着上身。爹爹呀。諸親六眷勿好跑。出家人六根清淨苦萬分。今朝求得爹爹山下來。同仔子妹兩個人。住末住勒倪脚跟。吃着裏向我應承。告得儂吃仔飯勿要做。擎仔銅鈿幾百文。吃茶吃酒散散心。儂末過仔一日少一日。度幾春來是幾春。爹爹呀。儂三長兩短百年後。好好能個收成我應承。妹子末過個兩三春。再告伊登勒是倪家庭裏。挑花刺繡學學精。看

勿對男囡勿必說。若得對末阿姐替儂做媒人。爹爹呀。我拉說曉儂拉聽。求儂爹爹下山林。聽曉勿聽趁儂心。(末白)前頭話來蠻好末。後頭勿要拿啥個曉勿聽趁儂心。(生白)娘舅儂勿要打。個末娘舅那能話頭。(末白)告伊再告。若然勿肯下山林。莫怪大郎撞死山頭頂。再去求過要個能話。(旦白)喔唷爹爹呀。(唱)今朝大郎再求儂。總要求儂下山林。告爹爹休動氣莫火升。想得我從前嘴裏錯幾分。求儂爹爹勿作准。爹爹呀。儂出家勿比在家好。出家之人苦萬分。日誦彌陀夜誦經。日裏曉得葷腥吃。夜裏坐禪到五更。早課夜課不留停。爹爹呀。儂個衣衫勿好着。長袖袍子着上身。爹爹呀。四親六眷勿好跑。出家人。六根清淨苦萬分。今朝求得爹爹山來下。爹爹呀。我拉說曉儂拉聽。求儂爹爹下山林。若然勿肯下山林。莫怪大郎撞死山頭頂。(老生白)姊丈那下山去哉。氣消拉哉。(老生白)老舅。下頭路跪拉個曉哩咕嚕哈人。(末白)儂養出勤個大因。張景春個大娘娘。(老生白)莫非就是張家娘娘。老舅。想得我出家容易回家難。莫在此胡胡亂煩。若要老夫回俗轉。勝比登天難上難。「踢一脚」搭我滾下山去。(丑白)喔唷。痛殺哉。讓我走開點。(旦白)拖牢伊。拖牢伊。(丑白)拖錯哉。拖牢我耳朵。(生白)娘舅轉去。下埭再來。(旦坐地下白)哇呀哇呀。娘舅走來告我求下山。撥拉那老賊踢仔一脚。冤枉呀冤枉呀。那是踢壞狄搭。那是勿好跑個哉哇。冤枉呀。告娘舅來攙仔我曉跑哇。(生白)娘舅那壞哉。那能個丈人踢勒狄個場塘。告儂娘舅去看看。(末唱)噯。景春看仔勿要紅眼睛個。讓我來。那儂還勿走呀。(旦白)娘舅那一片踢仔兩片曉勿好走個哉。(末白)勿好走拿門門來。(旦白)就明朝來末哉

。(生唱)四人豪傑山來下。各歸各處轉門庭。(末唱)小外甥跟仔娘舅歸家轉。慢說外甥娘舅轉家門。(生唱)再來提起張景春。走過李家祠堂門。只怪娘舅少淘成。拏個牌位劈干淨。抬起頭來看觀正。自家村莊到來臨。推進牆門朝裏望。中堂浪向媽媽稱。(白)呵呀。勿好哉。我對伊話劈勿得個。那伊勒娘來捉轉哉。(老旦唱)阿呀姑根呀。儂得罪那娘勿動氣。勿該應氣父出家傷良心。再要走過祠堂門。拏我牌位劈干淨。為娘今朝要儂命。捉仔儂姑根陰間去。免得陽間講談論。(快板)閻王派定三更死。斷不留人到五更。這怪是儂少淘成。莫怪我做娘要儂命。阿呀景春呀。等個賤人來死落。告得儂討個賢德娘娘們。一則來傳傳張家香煙根。二則來免儂代替遭難星。

男落菴

(歎父出家)

王筱新
王雅琴 合唱

(小旦唱)坐罷一番碌起身。小女家中苦萬分。忽然想起心頭事。想起倪爺娘兩大人。親娘早早身亡故。單存親爺一大人。天大家當了干淨。如今是手裏無錢活死人。不養三男成四女。單養姊妹兩個人。阿姐早來出嫁。姐夫三字張景春。有地有田有金銀。隆興典當開拉蘇州城。十二月念四經冬汛。大小百家過新春。但看見買魚買肉買葷腥。想得倪灶前頭米嘸一粒柴嘸根。告倪爹爹落起身。爺因淘裏拆才情。行來走到房門口。喊倪爹爹落起身。(白)爹爹。爹爹。(老生白)噲事體。(小旦白)起來肚裏餓。(老生唱)來哉。一頭白髮亂蓬鬆。兩目

昏花耳朶聾。造屋獨怕牆壁倒。爲人只怕老來窮。小郎。(小旦唱)阿呀。爹爹呀。告僕爹爹
 落起身。今朝仔細因淘裏拆才情。告得僕。今朝要到娘舅門。娘舅舅媽兩大人。對伊商量借
 花銀。三百四百勿必說。三十念塊總應承。借仔銅鈔歸家轉。啻到那能是那能。問僕爹爹怎
 樣能。(老生唱)小郎呀。勿話那娘舅倒也罷。話起那娘舅恨傷心。只爲那阿姐來出嫁。女壻
 富翁張景春。四槓八箱嫁過門。賠嫁賠來算勿清。娘舅叫我算省做。僕還有小因一個人。倘
 有小因接出門。僕個人家賠干淨。向來日脚苦萬分。問得小因怎樣能。回轉身來老舅稱。我
 十個因姪十樣嫁。我養因姪我作主。何必僕老舅要費吟心。撥我鈍來無回答。頓時立刻就動
 身。弄得舅媽無意思。跟仔娘舅轉門庭。爲此狄浪門個氣。故所以勿曾上他門。小郎呀。我
 娘舅家中勿願去借花銀。我搭僕另拆別才情。(小旦唱)爹爹僕娘舅家中勿去借。阿姊家中借
 花銀。我搭僕。苦苦惱惱日脚啻。啻過舊寒到新春。田稻裏向熟個熟。加利奉還送上門。不
 知僕爹爹怎樣能。(老生唱)僕勿提那個阿姐倒也罷。提起阿姐傷良心。那個姐夫張景春。
 倘然勒拉家庭裏。多多少少總應承。只怕碰着阿姐賤娼根。前頭勿還勿答應。枉費功勞白費
 心。小郎呀。老老到有絕才情。今朝爺因門來出。老老捏棒前頭走。小郎提籃後底跟。行來
 走到街坊浪。爺叔伯伯先生稱。兩人要做求吃人。不知僕小郎阿肯聽。(小旦唱)爹爹呀。僕
 要討飯我勿肯。一則來拋頭露面勿該應。二則來李家門庭攪干淨。讓得小女往裏行。三長兩
 短來死落。趁僕那能是那能。(老生唱)小郎呀。尋死兩字動勿得。告得僕小郎開大門。讓得
 我阿姊家中借花銀。(小旦唱)爹爹呀。早去總要早抽身。一則太陽勿肯等時辰。二則免得小

女常掛心。(老生唱)回轉身來小郎叫。告儂勿要立牆門。東伯伯曉西嬌嬌。話我老老囑教訓。那李家門庭還算緊。(小旦唱)關上門急忙往裏行。要到裏向做營生。(老生唱)混沌初開天地分。那旁邊走出我李普民。從小爺娘家當大。外頭要做響當人。弟兄朋友話公平。我話那能是那能。全勿敢強仔頭曉勒仔頭。此乃銅錮壓煞人。個曉我個家當了干淨。不多幾步抬頭望。張家村莊到來臨。行到牆門將身站。身軀站停喊開門。蓬。蓬。蓬。(旦白)外頭陰人。(老生白)老頭子。(旦白)告化子多走一家。促勿開銷個。(老生白)那爺。(旦白)促柴買拉哉。(老生白)那養爺呀。(旦白)促軟柴買拉哉。陰人要硬柴。(老生白)老老。(旦白)呀。曉得拉哉。一個老賊老死人來哉。阿因豪燥拿鹹鷄鹹肉坑坑好。讓我開出門來看。喔噲噲事體。像元寶能個滾進來。(老生白)大郎儂開門出來。做噲勿叫我一聲。我隻手拾跌痛拉哉。(旦白)儂做噲勿早點撥個信勒。個末可以來接儂。(老生白)大郎那飯吃哇。(旦白)促吃仔人參曉受拉。(老生白)老老飯廳沒吃拉來。(旦白)那塘日頭有得過個哇。(老生白)過個。(旦白)前頭出個諸葛亮。現在出儂勿明亮。吃點着點。棺材薄點。勿吃勿着。蒲包一隻。(老生白)大郎只有吃慣著慣。無不餓慣。女婿來拉哇。(旦白)呀。像儂曉月大三十塊。月小廿九塊。促該仔銅錮吃苦惱。到蘇州收賬去哉。(老生白)大郎搭儂商莊。勿多勿少要用。個曉曉不多。第二樁衣裳。新個末勿曾開摺。舊個着勿出。勿新勿舊要自家着。個曉曉不多。第三樁白米。多個末勒拉屯裏。少個勒拉袋裏。勿多勿少要攞拉肚裏

。個話不多。除脫狄個三椿。一百椿一千椿。儂話末哉（老生唱）（哭腔）阿呀大郎呀。（旦白）大年小夜哭個啥物事。撥儂哭得觸霉頭。（老生白）（笑腔）哈哈哈大郎。（旦白）儂噲個開心。拾着洋鈔呢鈔票。（老生白）噯。笑呀勿好。哭呀勿好。今年做爺難做哉。（唱）大郎呀。我勿話是儂那曉得。我個苦景話儂聽。想得我。老家中米磨一粒柴嚙根。肚皮餓來小夠嘴。餓死老老倒也能。餓死那個妹子勿該應。特地問儂借花銀。多則借個三四十。少則隨儂主意撥幾文。不知儂美郎阿答允。（旦白）儂個老賊老死人。曉得儂。狗嘴裏向落勿出象牙。告儂勿要話。偏生要話。（唱）儂個老賊老死人。勿提起子妹倒也能。提起子妹把火升。大治是儂生。小治是儂養。勿該應拿我早早來出嫁。撥到此地張家門。脚脚走來踏生地。眼眼走來看生人。害得我苦頭吃得壽能深。小因今年十三春。蠻長蠻大蠻長成。養勒家中勿出門。儂還等伊插啥金呢插啥銀。借銅鈔兩字我勿答允。（老生唱）大郎呀。儂同胞姊妹看娘面。千朵桃花一樹生。千勿看變萬勿看。昨夜老老關到二三更。來那親娘女大人。跪勒我門前哭勿停。話曉陰間缺少紙銀錠。一則來看親娘養育恩。常言道。龍是蛇肚皮裏出。象是豬肚皮裏生。十二月裏尿布汰。十指凍連心。六月裏蚊蟲園裏淪奶吃。撥勒蚊蟲當點心。父母之恩報勿盡。總要看那親娘薄面情。二則來。儂出嫁要到此地門。想得我。十隻箱子九隻滿。隻隻箱子碰箱頂。四個八箱嫁過門。雷波走去定木匠。杭州走去定綢綾。倒話噯遠鄉司務本事好。普陀山和尚好看經。金銀首飾撥脫與。裙帶田疇廿九畝零七分。別樣物事勿必說。撥點利錫我老老日脚哼。我豪豪燥燥轉門庭。（旦唱）儂勿提起立秋涼粉真揭過。提起親娘好。傷

心。撥拉賣田房屋產賣干淨。氣殺親娘女大人。嫁裝兩字紅木楠木都勿辦。勿該應上海去買現成。到如今。櫬子脫脚竟勿平。箱子要用蔴繩細。裙帶田三十畝撥勿滿。廿九畝零七分。一個三分頭缺少勿稱心。臨時上橋對儂啼啼哭。要儂做條縐紗百褶裙。姆媽答應生能。儂個老賊老死人。曉勒當中是勿肯。虧得親娘來勸儂。折我五十銀洋餅。勿提前情倒也能。提起前情冷傷心。免得儂夾裏糊塗纏勿清。(白)老老儂聽我哇。聽我對儂拆才情。(老生白)財主人拆個才情終聽個。撇個屁我捧仔就跑勒來。(旦白)儂聽我末換元寶命。勿聽我變個豬尾巴命。(老生白)大郎那能叫元寶命。豬尾巴命。(旦白)哪儂前頭好個現在窮哉。儂聽仔我易要好哉。兩頭高當中低。阿像一隻元寶。儂勿聽我。前頭好個現在邱哉。朝後還要邱來。阿像豬尾巴。小眼眼。一眼小一眼。儂聽我叫一聲。(唱)帶帶勒。(老生白)呀大郎儂陰現在變仔刁嘴哉。陰個叫我帶帶勒。情願叫仔。勿情願勿要叫。(旦白)叫儂老賊老死人。姆媽面情勿割過。叫儂爹爹。鰻鯉死勒湯罐裏叫勿值。(老生白)大郎呀。個種死勒竹管裏仔直哉。(旦白)勿要鈍。(唱)啓口上前大人稱。告代大人兩三聲。告得儂。擎個妹子來賣脫。賣到上海小東門。其名就叫花煙燈。門前擺勒兩隻骨牌凳。接接兩個福建人。一百二百大番餅。洋鈔擺勒我脚根。儂用利鈔我用本。還是儂吃虧呢我想贏。擎個房子來拆去。長個木頭拿來搭涼棚。短個木頭煎人參。儂末登來我脚根。派儂做個敲更人。爹勒敲更因去睏。想想怎樣。倘若是三長兩短來死落。廿八百棺材我應承。(老生唱)慢佬。大郎呀。老頭子十廿千前世修。前世修。今世受。太好哉。(旦白)儂想拉哇。只有二千八百鈔。(生老白)好個。風

涼點。省仔六月出來乘風涼勸個。(旦白)別人家棺材八隻釘。儂末只有七隻釘。(老生白)大郎呀。一隻少拉哈浪。(旦白)缺少一隻子孫釘。(老生白)慢慢。討媳婦嫁因揀日脚。死人治有陰揀日子死個。(旦白)要修個。(唱)省得老蟲挖眼睛。要話我大郎傷良心。李家坟浪勿去擺。張家坟浪擺勿進。擺拉善堂家家坟。田雞鷓鴣做鄰舍。螻蛄蟋蟀當鄉鄰。不知儂老老聽勿聽。(老生白)大郎狄個才情出色。(唱)大郎呀。儂個閒話我總聽。拆出一個妙才情。賣脫妹子一個人。拔花旗杆治要墊手布。那個妹子黑來磨淘成。賣勿起哈大行情。問儂借個幾塊銀洋餅。買點胭脂買點粉。死個打扮活個能。多賣幾十銀洋餅。不知儂心中怎樣能。(旦唱)喔。回轉身來往裏行。拿出一百小錢文。此來就是墊手本。(老生唱)大郎呀儂擎錯脫拉哉。大個好像鵝眼睛。小個好像鷄眼睛。又好比鐵匠店裏橄欖釘。銅鈿兩字勿必說。告得儂。白米借個三五升。(旦唱)喔。拿仔銅鈿往裏行。換出黃糠三五升。(老生白)大郎儂擎錯哉。(旦白)勿拿錯個。狄個米衣裳。(老生白)大郎糠呀。(旦白)老老衣裳管裏通得落。要扛哈個物事。個末儂吃得來哇。(老生白)吃勿來。(旦白)吃勿來我來告儂。二斤豬油。三斤白糖。調糊。還儂吃子勿肯放拉來。(老生白)大郎我買得起白糖豬油。勿來問儂借哈糠哉。(唱)老老看見氣傷心。米個衣裳勿要伊。阿有哈熱吹浦燙白米飯。吃得肚皮轉門庭。我永世不到你脚根。(旦唱)你到梗裏勿着糲裏着。回轉身來往裏行。行來走到廚房裏。拿出一隻貓食盆。告儂老老吃一頓。豪豪燥燥幹正經。(老生白)太郎儂撥我吃個哈物事。那能腥氣來。魚頭魚尾巴全有個。(旦白)狄個叫八寶飯呀。(老生白)大郎勿

是八寶飯。是百果飯呀。(小因白)外公大大。狄個阿咪咪吃個。(老生白)大郎。儂當真阿咪咪吃個。(旦白)噯。(老生白)果然。(旦白)果然。(老生唱)待我碰浪蕩擲塵埃地。「快板」餓死不吃貓兒食。凍死不穿女人衣。儂狄個良心要犯天來打。(旦唱)蒼天不打忤逆精。(老生唱)蒼天不打忤逆精。恰算蒼天瞞眼睛。娼根儂來恰來仔長賤遠。爲啥佬男勿養佬女勿生。只怪仔儂壞良心。害倪女婿絕子孫。(旦唱)噯呀。老賊老死人。自家屁眼頭毛洽嚙半根。有啥面孔話別人。(老生唱)我勿養三男成四女。養那姊妹兩個人。儂狄種能個傷良心。後來倒有啥好收成。儂若然有仔好收成。恰算天地神明瞞眼睛。(旦唱)勿聽此言倒也能。話得我心頭之火氣直騰。儂隻老賊老牛精。儂隻毒嘴話出來毒得嚙淘成。我睺曉得儂。老鴉嘴裏叫勿出啥鳳凰聲。今朝仔勿要怪我得罪儂。只爲仔儂出言吐語少淘成。胸襟一把來拖緊。豪豪燥燥出門行。推出外頭就關門。摘仔尾巴放仔儂生。(老生唱)我一跌跌拉塵埃地。自坍自倒碌起身。我想想。撞殺此地張家門。害得倪女婿遭人命。害得伊年三夜四遭難星。害得伊年夜飯吃勿成。害得伊家當弄干淨。害得伊苦頭吃勿清。想想女婿總是爛好人。我要害伊勿該應。「快板」搥起拐杖浪走。豪豪燥燥向前行。行來走到六角涼亭將身進。我就在。涼亭裏面死路尋。慢說我兢兢攔攔涼亭內。(生白)先生(末白)老板那能(生白)今年田稻勿熟。故所以賑難收。我要轉去一塊來。隔幾日我再來。(末白)老板慢去。(生白)冬至一過年將終。家家預備過寒冬。舊年已過交新春。新春景子忽然新。那旁邊走出我張景春。今年田稻勿大好。賬頭弄總收勿清。但等寒冬過交新春。行來走到蘇州

城。放出幾萬銀洋餅。再開一升典當門。賺點利賒下點本。做生意個三字頂要緊。路上行走能樣快。爲啥心驚肉跳勿太平。老鴉當頭哇哇叫。兩隻眼睛跳勿停。老鴉封過太平鳥。破老鴉叫勿出喙鳳凰聲。眼眉毛拔脫兩三根。青雲頭裏拋端正。天塌大禍別人頂。抬起頭來看觀正。六角涼亭到來臨。行到亭邊將身站。忽兒見。亭裏有人短見尋。(白)啊呀。狄個像我個丈人。待我上前看看清爽。啊呀丈人阿伯呀。陰事體拉裏尋死。待我走去救伊。岳父大人爲何在此尋其短見。(老生唱)啊呀景春呀。今朝挾路相逢盤勿脫。勸儂面浪話儂聽。勿爲三椿並兩事。只爲小郎一個人。告得我到儂家裏借金銀。(生白)愛金娘撥儂幾何拉。缺少再拿。我有勸裏。再拿點去。(老生唱)啊呀賢婿呀。儂勿提此言倒也罷。提起此言苦傷心。我行走來到儂家庭裏。聽見儂蘇州典當收花銀。我對大郎來開口。受伊哈來受伊尋。千言萬語求脫興。伊拿定主意勿答應。反來搭我拆才情。告我賣脫那阿姨一個人。洋細寄拉伊脚根。我用利來伊用本。告我做個敲更人。賢婿呀。告我外頭約媒人。罷勿來一眼墊手本。(生白)丈人阿伯。儂勿要賣。勿要聽伊瞎話。(老生唱)賢婿呀。洋細兩字勿必說。拿出一百小錢文。米衣裳來糠五升。拿出一隻貓食盆。我話道大郎呀。儂將佢來比畜牲。良心惡來嚇淘成。蒼天不打忤逆人。沿算天唉嚙眼睛。大郎是拿我鬚鬚拔脫幾百根。三拳兩脚打出門。故所以勸裏死路尋。(生唱)丈人呀。儂尋死兩字動呀動勿得。今朝跟我轉門庭。一則搭儂出口氣。二來接仔阿姨到我門。多則住個半年巴。少則哼過寒冬交新春。索脚搬到我脚跟。儂末吃曉暱。開曉吃。茶館裏去聽聽灘簪散散心。雨落天。風大日。登在裏家庭。佢個